

中興禮書續編

中興禮書續編序

宋朝奉郎行太常主簿葉宗魯撰

臣聞自昔聖王因時制禮損益沿革詳畧不同將欲垂  
憲貽則傳之方來其於纂述編釐尤不可缺西漢草創  
叔孫綿範之制簡陋無稽唐興諸儒改修五禮未免坐  
守拘忌惟建武中興永平制度經生記載編籍為詳元  
和邳隆禮官所續曲臺新禮自長慶以後莫不次第編  
錄以是朝儀國範粲然復振然則聖明繼述上以恢一  
代之典章下以垂萬世之法式載之簡策儻或未備則  
繼纂續修疇曰宜後國家自太祖皇帝創有大業鼎新  
百度著為開寶通禮綿歷嘉祐迄於政和咸有成書具  
載因革肆我高宗皇帝中興聖統孝宗皇帝重華繼軌

規模宏遠凡聲容文物之盛固已郁然咸五登三然其間有大制作有大因草如親授神器以光三聖一道之傳如親奉玉卮以慶前殿八袞之壽如親行恤典以終思陵三年之制曠儀珠禮前後褰舉歷代帝王殫所未見頌臺議禮之士固宜大書特書傳之琬琰垂示無極然淳熙所編僅三百卷由今考之顛末未備迺者聖上深嘉議臣之請亟詔太常為之纂述臣列屬禮官偶承人之顧惟罕見何以仰中景鑠謹用採摭續成八十卷恭塵乙夜之覽然臣竊謂天地相因則變化無窮日月相繼則照臨不息神聖相傳則制作愈備中興以來堯授舜舜授禹法彰禮著煥乎可述聖上繼體守文規遵成憲會粹來上稽以為驗顯設藩飾躋茲登閣庶俾後

之視今亦猶今之視昔豈不韙歟謹序

嘉泰元年九月二十七日敕臣僚上言節文契勘太常寺中興禮書卷帙甚盛無不備載尚有孝宗一朝所行典禮至今未曾接續修入可謂闕典臣向者備數奉常末屬備見始末按牘無一不存竊慮日後散失欲乞陛下因時制禮下臣此章令禮部太常寺日下編類舊牘接續三百卷以後修纂著為成書以永其傳亦使臣下見之不<sup>生</sup>墜異議其於孝治尤非小補取進止九月二十七日三省同奉聖旨依

嘉泰二年八月二十日准尚書省劄子中奉大夫權禮部尚書兼侍讀兼實錄院同修撰兼給事中費士寅通議大夫守禮部侍郎兼修玉牒官木侍問朝奉郎行太

常寺主簿葉宗魯劄子檢准嘉泰元年九月二十七日  
臣僚上言節文中興禮書卷帙甚盛無不備載尚有孝  
宗一朝所有典禮至今未曾接續修入可謂闕典臣向  
者備數奉常未屬備見始末案牘無一不存切慮日後  
散失欲乞陛下因時制禮下臣此章令禮部太常寺日  
下編類舊牘接續三百卷以後修纂著為成書以永其  
傳亦使臣下見之不生異議其甚於孝治尤非小補取進  
止九月二十七日三省同奉聖旨依禮寺除已編類舊  
牘將孝宗皇帝一朝典禮接續修纂成中興禮書續編  
八十卷今已繕寫行投進伏望朝廷敷奏取旨施行候  
指揮八月十七日三省同奉聖旨依令禮部太常寺繳  
進

中興禮書續編目錄

第一卷 吉禮一

郊祀大禮一

第二卷 吉禮二

郊祀大禮二

第三卷 吉禮三

郊祀大禮三

第四卷 吉禮四

郊祀大禮四

第五卷 吉禮五

明堂大禮一

第六卷 吉禮六

明堂大禮二

第七卷

吉禮七

明堂大禮三

第八卷

吉禮八

明堂大禮四

第九卷

吉禮九

明堂大禮五

第十卷

吉禮十

明堂大禮六

第十一卷

吉禮十一

緣祀裁製

關

四孟朝獻景靈宮

第十二卷

吉禮十二

祈報

太陽交食奏告

第十三卷

吉禮十三

配饗功臣

第十四卷

嘉禮一

奉上太上皇帝太上皇后尊號冊寶一

第十五卷

嘉禮二

奉上太上皇帝太上皇后尊號冊寶二

第十六卷

嘉禮三

奉上太上皇帝太上皇后尊號冊寶三

第十七卷

嘉禮四

奉上太上皇帝太上皇后尊號冊寶四

第十八卷

嘉禮五



奉上太上皇帝太上皇后尊號冊寶五

第十九卷

嘉禮六

奉上太上皇帝太上皇后尊號冊寶六

第二十卷

嘉禮七

奉上太上皇帝太上皇后尊號冊寶七

第二十一卷

嘉禮八

奉上太上皇帝

尊號冊寶

禮畢慶壽一

第二十二卷

嘉禮九

奉上太上皇帝尊號冊寶禮畢慶壽二

第二十三卷

嘉禮十

元旦冬至群臣朝賀

闕

魏王府講堂接見教官

第二十四卷

嘉禮十一

會慶聖節闕

第二十五卷 嘉禮十二

進呈玉牒闕 四朝列傳闕 會要一闕

第二十六卷 嘉禮十三

進呈玉牒闕 四朝列傳闕 會要二闕

第二十七卷 嘉禮十四

進呈玉牒闕 四朝列傳闕 會要三闕

第二十八卷 嘉禮十五

進呈玉牒闕 四朝列傳闕 會要四闕

第二十九卷 嘉禮十六

孝宗皇帝內禪闕

第三十卷 嘉禮十七

皇太子議事堂

宴餞舊弼

第三十一卷

賓禮一

聖節金國使人入賀

闕

第三十二卷

賓禮二

聖節金國使人入賀

闕

第三十三卷

賓禮三

正旦金使國人入賀

闕

第三十四卷

賓禮四

正旦金國使人入賀

闕

第三十五卷

凶禮一

永思陵

一 違和

遺詔

第三十六卷

凶禮二

永思陵二 赴臨

第三十七卷 凶禮三

永思陵三 停祀 禁樂 梓宮

大殮

第三十八卷 凶禮四

永思陵四 成服一

第三十九卷 凶禮五

永思陵五 成服二 殿櫨

第四十卷 凶禮六

永思陵六 小祥大祥禫 以日易月

請還內聽政

第四十一卷 凶禮七

永思陵七

御殿

第四十二卷

凶禮八

永思陵八

按地一

第四十三卷

凶禮九

永思陵九

按地二

第四十四卷

凶禮十

永思陵十

修奉攢宮一

第四十五卷

凶禮十一

永思陵十一

修奉攢宮二

第四十六卷

凶禮十二

永思陵十二

修奉攢宮三

第四十七卷

凶禮十三

永思陵十三 謚議一

第四十八卷 凶禮十四

永思陵十四 謚議二 憲節皇后改謚附

第四十九卷 凶禮十五

永思陵十五 謚議三 憲節皇后改謚附

第五十卷 凶禮十六

永思陵十六 謚議四 憲節皇后改謚附

第五十一卷 凶禮十七

永思陵十七 奉上謚冊寶

第五十二卷 凶禮十八

永思陵十八 憲節皇后改謚冊寶一

第五十三卷 凶禮十九

永思陵十九

憲節皇后改謚冊寶二

第五十四卷

凶禮二十

永思陵二十

啟櫬

第五十五卷

凶禮二十一

永思陵二十一

鼓吹

警場

挽歌

第五十六卷

凶禮二十二

永思陵二十二

挽詞

第五十七卷

凶禮二十三

永思陵二十三

金國使人弔祭一

第五十八卷

凶禮二十四

永思陵二十四

金國使人弔祭二

第五十九卷

凶禮二十五

永思陵二十五 金國使人吊祭三

第六十卷 凶禮二十六

永思陵二十六 發引一

第六十一卷 凶禮二十七

永思陵二十七 發引二

第六十二卷 凶禮二十八

永思陵二十八 發引三

第六十三卷 凶禮二十九

永思陵二十九 發引四

第六十四卷 凶禮三十

永思陵三十 發引五

第六十五卷 凶禮三十一



永思陵三十一 遷奠掩櫬宮

第六十六卷 凶禮三十二

永思陵三十二 虞祭

第六十七卷 凶禮三十三

永思陵三十三 安神 卒哭

第六十八卷 凶禮三十四

永思陵三十四 祔廟一

第六十九卷 凶禮三十五

永思陵三十五 祔廟二

第七十卷 凶禮三十六

永思陵三十六 祔廟三

第七十一卷 凶禮三十七

永思陵三十七  
几筵  
御容

第七十二卷  
凶禮三十八

永思陵三十八  
小祥

第七十三卷  
凶禮三十九

永思陵三十九  
大祥一

第七十四卷  
凶禮四十

永思陵四十  
大祥二

第七十五卷  
凶禮四十一

永思陵四十一  
禫祭

第七十六卷  
凶禮四十二

永思陵四十二  
釋服  
請舉樂

第七十七卷  
凶禮四十三

永思陵四十三 聖製奉安神御一

第七十八卷 凶禮四十四

永思陵四十四 聖製奉安神御二

第七十九卷 凶禮四十五

永思陵四十五 聖製奉安神御三

第八十卷 凶禮四十六

忌辰 輟朝 詔葬 服紀

中興禮書續編第一卷

大興徐 松編次

吉禮一

郊祀大禮一

神位八寶王帛禮料祭品祭服大樂樂曲樂章車輅輿輦國簿壇殿大小次燎壇五使行事陪祀官宿齋警場鼓次門禁上壽飲福奏謝並如淳熙三年之制詳已載禮書前部所是沿革俱載於右

淳熙十二年三月二十日詔今歲郊祀大禮令有司除事神儀物諸軍賞給依舊制外其乘輿服飾及中外支費並從省約仍疾速從實條具聞奏及申尚書省

四月三日禮部太常寺言今條具下項 一乞以郊祀

大禮為稱

一所設神位係設昊天上帝皇地祇太祖

聖上皇帝

皇帝太宗皇帝天皇大帝神州地祇以下從事祀并衆

星共七百七十一位

一排設圓壇并望祭殿大樂祭

器牲牢禮料依在京夏祭例內除宮架樂排辦一料外

其登歌樂并祭器牲牢禮料係依禮例排辦兩料如遇

臨祭將登歌樂通作宮架之曲

一圓壇并前二日朝

獻景靈宮前一日朝饗太廟及至日分詣九宮貴神太

社太稷及麗正門合用登歌宮架大樂樂器名件二舞

引舞執色樂舞服著等並係事神儀物累經使用經隔

年深雖前次大禮所屬檢計量行修換修整今來又經

三年并逐祠祭使用內有委實破敝不堪名件乞行下

所屬檢計量行修換修整施行

一勘會今來大禮朝

獻景靈宮合用燎壇并朝饗太廟別廟殿室內合用神  
帳法物祭器神廚什物名件門戟并小次及七祀配享  
功臣位次等并修飾圓壇龕陞壇牆望祭齋殿大小次  
冊幄神廚什物等並係事神儀物乞依逐次大禮體例  
關報臨安府等處修飾給縛排辦施行其端誠殿并青  
城及待班屋等乞令兵部同臨安府等處照應今降省  
約指揮及淳熙三年郊祀大禮已行禮例施行數內圓  
壇三十六龕十二階陞內外壇牆燎牆昨自淳熙三年  
修飾經九年其所砌階級磚等並皆損壞今乞下所屬  
如法修砌務要牢固 一勘會大禮合用皇帝位版二  
面亞終獻位版四片公卿位版一百版黃羅三幅夾帔  
一條黑漆腰輿并面一幅並依例係臨安府預行製造

添修緣前次大禮已行省約止添修黃羅夾帊一條公卿位版七十片番衮使用所有其餘位版并腰輿更不添修止量行雅飾了當所有今來大禮乞依逐郊體例施行 一勘會將來大禮前二日朝獻景靈宮前一日朝宴太廟別廟并圓壇望祭殿及至日分詣九宮貴神太社太稷合用竹木銅陶祭器黃帊帨巾拭爵巾等經隔年深雖前次大禮已曾雅飾修換緣今來又經三年及歲中常祀鋪設使用內有竹木祭器累經梅蒸膠水脫落損動及黃帊帨巾拭爵巾等顏色漬污破損不堪供使合行雅飾修換緣上件祭器黃帊帨巾等並係事神儀物今乞令修飾官司檢視內有委實不堪供使名件乞行雅飾修換施行 一祇候庫所管冠冕朝祭服

並係宰執親王使相文武百官等行事服著并諸色人  
法衣等例各累經闕借服著年深漬汚顏色暗淡及有  
破損內冠冕胎塑損動稜道脫落膠漆起剝及緋皂履  
蛀翯破損依逐次大禮體例合行盡數修換雅飾禮部  
太常寺今從省約乞依逐次大禮體例選委不干礙官  
將見管朝祭服法衣等逐一點檢如內有可服著名件  
更不須修換其漬汚顏色暗淡名件即令出染修整所  
有委實破損不堪供使服著名件即令修換候所委官  
點檢到數目下文思院依此施行 一今來大禮所設  
幣帛牲牢祭器禮料酒齊登歌宮架舞等並係事神儀  
物實用之數依已降指揮不合省約外所有其餘合排  
辦乘輿服御及中外支費省約事件今乞下其餘曹部



等處令各行照應今降省約指揮及淳熙三年郊祀大禮已行禮例條具申請施行 一檢准乾道六年十二月九日已降指揮節文大禮年分應依例申請合行事件並令禮部照應年例應下合屬去處施行訖申三省樞密院照會所有今年来大禮遵上件指揮外其太常寺應合檢舉排辦事務乞並依淳熙三年郊祀大禮已降指揮排辦施行詔並依淳熙三年郊祀禮例餘依奏

中興禮書續編第二卷

吉禮二

郊祀大禮二

淳熙十二年十月十四日御史臺言勘會今來郊祀大禮合行申請事件今條具到下項 一今來郊祀大禮習景靈宮儀并習太廟儀及前十日受誓戒並於尚書省其應行事件事陪祠文武官並合起赴立班緣尚書省大門內地步窄狹其人從轎馬往回擁遏喧闐今乞宰執使相侍從臺諫兩省官知閤門官并宗室外官正任觀察使以上并於合下馬處下馬其人從轎馬即時回出大門外所有其餘應行事執事陪祠文武官並于尚書省大門外下馬庶得不致擁遏喧闐如有不依今

來約束之人從御史臺送所屬重作施行及乞下皇城司差親從官三十人於尚書省大門內並立班處約欄無致冗閑 一習儀并受誓戒並於尚書省乞令太常寺開具習儀受誓戒日分關報尚書省大門至日五更一點開門放行事等官及祗應人入出仍令臨安府於尚書省大門內外排辦靛盆點照差人供燒看守詔依

中興禮書續編第三卷

吉禮三

郊祀大禮三

淳熙十二年十月八日臣僚上言聞律設大法禮順人情法所施不無少闕則變而通之者當存乎人竊見著令諸大禮應差在部官行事者先差承務即以上如不足即差選人或大小使入臣差選九月一日權住給假出外選人亦不許歸鄉即已授差遣除見闕外不許朝辭詳味法意蓋慮展禮之時駿奔走執豆蓬者或乏使耳今年冬祀大禮制敕所差朝士尚有餘者而吏部所差官亦已備足捨此之外了無所用而吏部自八月間即牒閣門不許放京朝官朝辭其見在部者皆拘縻不

使去且以九月論之至於暮冬無慮百日當此盛寒羈旅桂玉之地勞費無益臣愚欲望聖慈特降睿旨行下吏部將見今到堂并在部人除已差官數足外其不係被差行事者並聽辭謝而去仍乞自今如係大禮年分並前期兩月盡數差定施行庶幾在旅微官得免無事苛留調官而去涵泳天休鼓舞聖澤以助陛下至誠文神之意臣不勝至願進取止詔依

十月二十六日太常寺言勘會今來郊祀大禮所差行事應奉等官本寺已具窠目申請差了當今續條具下項一郊祀大禮景靈宮太廟依儀樞密院官前導皇帝行事今來周樞使準敕差充行事左丞相申耽滌濯兼進玉幣爵酒即於前導行事相妨所有施參政兼同

知樞密院事準勅差充前二日奏告官并景靈宮分詣  
官及肆赦罪書參知政事若充郊祀并景靈宮太廟前  
導行事即無相妨 一今來郊祀大禮畢端誠殿受賀  
依儀樞密以下先一班稱賀畢皇太子文武百僚一班  
稱賀樞密詣御座前承旨宣荅今來周樞使係作班首  
先一班稱賀畢升殿侍立所有樞密一員承旨宣荅伏  
乞朝廷指揮差官充攝仍乞依禮例七拜起居畢引升  
東階以俟承旨宣荅 一麗正門肆赦依儀中書令及  
樞密樓上侍立今來周樞使準勅差充肆赦中書令承  
旨宣制并奏禮畢施參政準勅差充肆赦受赦書參知  
政事所有樓上侍立樞密一員乞差官權攝詔承旨宣  
荅差參知政事兼同知樞密院事施師點侍立官參差

知政事黃洽餘依

十一月二日禮部太常寺言勘會郊祀大禮及將來加上尊號冊寶行禮合差贊引使臣二人前導應奉除本寺見有贊引使臣一名外今差頭名禮直官童士成一名權充前導應奉本人見係服緋禮直官今乞依例下祇候庫闕借二梁冠朝服一副令本人服著前導應奉詔依

中興禮書續編第五卷

吉禮五

明堂大禮一

玉帛禮料祭器祭服大樂樂曲樂章 明堂殿大小次  
燎壇行事陪祠官受誓戒宿齋門禁進胙上壽飲福奏  
謝並如淳熙九年之制詳已載禮書前部所是沿革俱  
載如右

淳熙十五年四月十日勅内外文武臣僚等朕荷神天  
之顧賴宗祏之靈嗣續丕圖久底多方之又親承元祀  
率循三載之常禮蓋重於合祛誼并崇於陟配念方在  
諒陰之疚懼莫修肆類之恭祗考前朝具存明憲雖當  
宅恤無敢廢尊迺緣越縉之文爰飭燔柴之敬惟郊卽



之夙講宜路寢之間祠位度九筵務齋精而展事正成  
萬寶資備物以將儀庶伸報本之誠益茂函生之祉肆  
孚大號用戒先期朕以今年九月有事于明堂咨爾攸  
司各揚其職相予祀事罔或不恭故茲札示想宜知悉  
同日詔今歲明堂大禮令有司除事神儀物諸軍賞給  
依舊制外其乘輿服御及中外支費並從省約仍疾速  
從實條具聞奏及申尚書省

二十四日太常寺言今年九月有事于明堂檢照紹興  
三十一年六月十六日勅節文禮官儀按禮經喪三年  
不祭唯祭天地社稷為越絺而行事元祐之初大饗明  
堂而哲宗居神祖之喪禮官謂景靈宮太廟當用三年  
不祭之禮遣大臣攝事或謂聖祖為天神非廟饗也當

時雖從其說然黃帝實為我宋之所自出豈得不同於  
宗廟今季秋有事於明堂以孝慈淵聖黃帝外遯主上  
持斬衰之服攷之禮經及元祐已行故事并當時禮官  
所議竊謂前期朝獻景靈宮朝饗太廟皆當遣官攝事  
主上唯親行大饗之禮其玉帛牲牢禮料器物樂舞凡  
奉神之物依典禮外鸞駕既不出宮所有車駟儀仗供  
張宿頓之屬欲乞令有司更不排辦應奉所須自合從  
宜禮畢乞於殿庭宣赦六月十六日三省樞密院同奉  
聖旨依奏勘會今來明堂大禮并前二日朝獻景靈殿  
前一日朝饗太廟緣皇帝在高宗聖神文武獻孝皇帝  
諒陰之內欲乞並依紹興三十一年六月十六日已降  
指揮施行詔依典禮施行

五月一日禮部太常寺言今年九月有事于明堂所有日辰依禮例係用辛日尋闕太史局選到下項日辰九月八日辛丑九月十八日辛亥詔用九月八日

十一日禮部侍郎尤袤等言伏覩已降御札今歲九月有事于明堂今照得逐次明堂大禮設昊天上帝皇地祇太祖皇帝太宗皇帝并天皇大帝已下從祀共四百四十三位紹興三十一年明堂大禮設昊天上帝徽宗皇帝五方帝五人帝五官神從祀共一十七位淳熙六年九月明堂大禮設昊天上帝皇地祇太祖皇帝太宗皇帝并天皇大帝已下從祀共七百七十一位今來緣高宗皇帝九筵未除考於典禮未合升配所有將來明堂大禮所設神位伏乞敷奏取旨詔依淳熙九年

十六日禮部太常寺言今年九月有事于明堂今檢準  
乾道六年十二月九日已降指揮節文大禮年分應依  
例申請合行事件並令禮部照應年例行下合屬去處  
施行訖申三省樞密院照會所有今來明堂大禮欲乞  
遵依上件指揮外其前期朝獻景靈宮朝饗太廟已降  
指揮遣官攝事所有合檢舉排辦事務今欲乞依紹興  
三十一年禮例其明堂大禮所設神位已降指揮依淳  
熙九年所有合檢舉排辦事務今欲乞依淳熙九年禮  
例並令太常<sup>寺</sup>檢舉申請排辦施行詔依  
二十五日禮部太常寺言今歲明堂大禮令有司除事  
神儀物諸軍賞給依舊制外其乘輿服御及中外支費  
並從省約仍疾速從實條具聞奏及申尚書省今檢照

淳熙九年明堂大禮禮例參酌下項 一勘會逐次明

堂大禮係以明堂大禮為稱今來大禮欲乞從淳熙十五年四月十日已降指揮以明堂大禮為稱 一勘會昨淳熙九年明堂大禮合祭天地並侑祖宗從祀百神所設神位共七百七十一位并今來明堂大禮所設神位已降指揮依淳熙九年其排設籩豆禮料之數及合用牛羊豕數目乞從淳熙九年明堂大禮禮例排設應辦施行 一勘會逐次郊祀大禮排設圓壇登歌宮架大樂并望祭殿登歌樂如遇臨時望祭仍登歌樂通作宮架之曲今來明堂大禮係於明堂殿行禮其登歌宮架大樂並合於明堂殿排設作樂應奉施行 一勘會今來明堂大禮所有行禮儀注欲乞從淳熙九年明堂

大禮已行儀注修定闕報施行其前二日朝獻景靈宮  
前一日朝饗太廟別廟係遣官攝事乞照紹興三十一  
年明堂大禮儀注修立申取朝廷指揮 一勘會今來  
明堂大禮并遣官前二日朝獻景靈宮前一日朝饗太  
廟別廟至日分詣九宮貴神太社太稷合用登歌宮太  
架大樂樂架樂器名件二舞引執色樂舞服著法衣等  
並係事神儀物累經使用經隔年深雖前次大禮所屬  
檢計量行修換修整今來又經三年并逐時祠祭使用  
內有委實破弊不堪名件乞行下所屬檢計量行修換  
修整施行 一勘會昨淳熙九年明堂大禮朝獻景靈  
宮合用燎壇并朝饗太廟別廟殿室內合用神帳法物  
祭器神厨什物名件門戟及七祀配饗功臣位次等并

修飾釘設明堂行禮殿并兩廊及安掛明堂牌并於奏請致齋殿鋪設御榻等及設東西房西閤并於明堂殿隔門外隨簷接蓋瓦屋幫築地面并南廊之前連簷修蓋瓦屋幫築甃砌地面修築燎壇并逐處合用慢道垂拱殿門裏東廊上設大小行禮殿東階之東設次小及釘設祝冊位版幄次修蓋饌幔神厨什物行禮殿上照壁權奉置於殿後權除去隔門上板壁及兩壁過道門戶及車駕經由道路平治修砌等所有今來明堂大禮乞令修內司儀鸞司臨安府等處並合行檢照淳熙九年明堂大禮已降指揮及逐項已行修飾釘設修築蓋造體例應辦施行仍乞於大禮前一月畢備 一太廟別廟廊廡神厨齋殿齋坊屋宇今來已降指揮鑾駕不

不出宮所有齋殿不合修飾并太廟別廟殿宇廊廡冊  
寶殿三神門於淳熙十四年已曾揭落甃瓦不須修飾  
外其神厨并齋坊應于致齋屋宇亦合省約乞令兩浙  
轉運司臨安府檢計量行修飾施行 一勘會大禮合  
用皇帝位版二面亞終献位版四片公卿位版一百片  
黃羅三幅夾帊一條黑漆腰輿并匣一副並照例係臨  
安府預行製造添修緣淳熙十二年大禮已行省約止  
添修黃羅夾帊一條公卿位版七十片衾衾使用其餘  
位版并腰輿更不添修止量行雅飾了當所有今來明  
堂大禮乞從淳熙十二年大禮體例施行 一勘會今  
來明堂大禮并遣官前二日朝献景靈宮前一日朝饗  
太廟別廟及至日分詣九宮貴神太社太稷合用竹木



銅陶祭器黃帔帨巾拭爵巾等經隔年深雖前次大禮  
已曾雅飾修換緣今來又經三年及歲中常祀鋪設使  
用內有竹木祭器累經梅蒸膠水脫落損動及黃帔帨  
巾拭爵巾等顏色漬污破損不堪供使合用雅飾修換  
緣上件祭器黃帷帨巾等並係祀神之物今已修飾官  
司檢視內有委實不堪供使名件乞行雅飾修換施行  
一據祇候庫狀契勘本庫所管冠冕朝祭服並係宰  
執親王使相文武百官等行事服著并諸色人法衣等  
例各異經闕借服著年深漬污顏色暗淡及有破損內  
冠冕胎塑損動後道脫落膠漆起剝鮮皂履蛀虫破損  
依逐次大禮體例合行盡數修換雅飾禮部太常寺今  
從省約欲乞朝廷指揮依逐次大禮體例選委不干礙

官將見管朝祭服法衣等逐一點檢如內有可以服著名件更不須修換其漬汚顏色暗淡名件卽令出染修整有委實不堪供使服著名件卽令修換候所委官點檢到數目了當下文思院從此施行 一勘會今來明堂大禮所設幣帛牲牢祭器禮料酒齊登歌宮架樂舞等並係事神儀物實用之數依已降指揮不合省約外其餘合排辦乘輿等及中外支費省約事件乞朝廷指揮下其餘曹部等處下所屬令各行照應今降省約指揮條具申請施行詔依

中興禮書續編第六卷

吉禮六

明堂大禮二

淳熙十五年五月十五日門下後省狀飭勘會每遇大禮合排辦八寶導駕應奉行禮今檢照昨紹興三十一年明堂大禮緣鑒駕既不出宮所有車輅儀仗宿頓之屬令有司更不排辦其八寶當時不曾排設所有將來明堂大禮乞依體例將上件八寶更不排辦并合差攝城門郎二人對立於門首更不差撥上件事理更合取自朝廷指揮施行五月十五日送門下後省照應紹興三十一年體例施行

二十七日禮部太常寺言檢照昨紹興三十一年并淳

熙九年明堂大禮禮例條具到合行申請事件下項

一勘會昨淳熙九年明堂大禮禮例大慶殿作明堂殿行禮後殿作文德殿致齋依儀樞密院官以下詣垂拱殿起居所有今來明堂大禮乞依禮例施行 一勘會

儀皇帝散齋七日於別殿致齋三日並於文德殿所有

今來明堂大禮欲乞依儀施行 一勘會紹興三十一

年明堂大禮禮部太常寺申請乞依元豐典禮禮畢御

紫宸殿受賀承指揮免稱賀所有今來明堂大禮畢紫

宸殿受賀欲乞依紹興三十一年體例免稱賀 一勘

會昨淳熙九年明堂大禮依禮例權罷本季內朝獻并

明堂大禮畢擇日行恭謝之禮其孟冬朝獻緣已行恭

謝之禮亦依典禮權罷所有今來明堂大禮本季內朝

獻并孟冬朝獻乞依典禮權罷 一檢照紹興三十一年明堂大禮已降指揮禮部太常寺檢會元祐元年九月二十五日宰臣親王執政近臣等分詣觀寺恭謝以明堂禮畢皇帝在諒闇不親行恭謝之禮勘會明堂大禮畢車駕詣景靈宮太乙宮恭謝依上件典故擇日宰執分詣行禮所有差官分詣天慶觀報恩光孝觀欲依逐次大禮體例具窠目中中書省其應合排辦事件乞從太常寺照例闕報排辦施行所有今來明堂大禮畢恭謝景靈宮太乙宮等處分詣行禮乞依禮例施行 一今來明堂大禮合於行禮殿習儀外所有前二日朝獻景靈宮前一日朝饗太廟係遣官攝事乞更不習儀 詔依

同日又言勘會將來明堂大禮緣現今在高宗聖祖武  
大憲孝皇帝諒陰之內檢照紹興三十一年明堂大禮  
體例條具申請下項 一將來明堂大禮受誓戒以後  
並條散齊致齊行事日分依典禮合服吉服今來皇帝  
見服布素乞自受誓戒以後依典禮皇帝權易吉服至  
禮畢仍舊 一所有禁衛等見今服紫黃帶子并執打  
從物等並用色裹乞依禮例自受誓戒以後並權易色  
服吉帶除去色裹候宣勅畢依舊 一勘會今來文武  
百僚見服常服黑帶所有將來明堂大禮其應差充行  
事執事應奉官并陪祠官及諸色應奉人依禮例自受  
誓戒以後並合權易吉服候宣勅畢依舊 一檢照已  
降指揮遇旦望初八二十二日車駕詣德壽宮高宗皇

帝几筵前燒香所有九月一日八日緣係在明堂大礼受警戒散齊致齋行事之內乞朝廷數奏免詣德壽宮高宗皇帝几筵前燒香詔依

二十九日內侍羅孝純傳奉聖旨指揮太常寺今年來明堂大礼可並依此施行讀冊官讀至御名勿與殿上下徹去黃道衲褥入殿門不張蓋百官不得回班御燎從物織扇更不入殿行礼前衛侍不起居呼萬歲黃羅拜褥并飲福黃羅拜褥並改用緋

六月十三日礼部太常寺言今來明堂殿見行興工修造從礼部定日同太常寺官將帶合千人等前去點檢俟修造了日亦從礼部定日同太常寺官帶礼直官及應奉官司前去按視其逐處官照應服色外所有合干

人等各令開具合赴人數開報皇城司等處權給牌號  
照會入出施行依詔

七月四日太常寺言將來明堂大禮合差亞獻終獻各  
一員乞敷奏差官施行詔差皇太子充亞獻濮王士欽  
終獻

明堂殿西  
九年之制

差左丞相以下行事官案目並做淳熙

同日又言九月八日明堂大禮前一日遣官朝饗太廟  
合差初獻亞獻終獻各一員乞敷奏差官施行詔差皇  
太子充初獻少傅滎陽郡王伯圭充亞獻少保嗣濮王  
士欽充終獻

八日禮部太常寺言照得逐次郊祀明堂亞終獻等官  
於太廟齋坊受誓戒今來明堂大禮亞終獻陪祠宗室  
並前一日遣官朝饗太廟三獻官乞於太廟齋坊受誓



戒立班詔依

二十四日禮部太常寺言今來明堂大禮候修造一切畢工五使并禮部等處官屬及應奉官司詣明堂殿內外按視詔依

八月六日禮部太常寺言準省劄起居舍人鄭僑奏臣聞祭祀之事於事為大禮樂之用於用為急然先王處此則亦有常變之不同情文之或異者各務當其理而已矣昔者舜居堯之喪天下之通喪也書曰三載四海遏密八音則所謂喪三年不祭之說信矣自漢文帝時諸臣刺經作王制乃始立說曰喪不祭惟祭天地社稷為越絀而行事故後世既用文帝以日易月之文又用漢儒越絀從事之制循習以至於今不特用禮而又用

樂焉去古意益遠矣今者伏覩陛下復古之制躬服三年之喪有司請服明堂大禮屈意從之蓋有不得已者焉然其間亦有損益之制用舍之宜可以稱情而立文自我而作古者蓋令有司講求之乎且大饗之禮祭天地也陛下身親行之歌樂之作似不可廢其他委官分畝與夫先期奏告之所有合用樂者若設而不作不亦可乎說者不過謂祔廟之後祭祀已嘗用樂此蓋當時失於沿襲不曾討論今明堂典禮與其他祀事不同若因而裁定亦足為將來之法不可以日前嘗用樂而為解也臣之管見如此或蒙聖慈不以為愚即乞睿旨付有司詳度施行取進止奉聖旨令禮部太常寺詳議以聞今檢照國朝祖宗典禮下項 一景德元年三月十

五日明德皇后崩二年七月十一日詔以今年十一月十三日有事於南郊時羣臣三上表請舉樂詔郊廟用樂如礼事畢復寢 一治平四年正月八日英宗皇帝崩熙寧元年四月二十八日太常礼院言親祀郊廟伏請依景德二年故事并除郊壇太廟景靈宮礼神用樂外有鹵簿鼓吹樓前宮架諸軍音樂皆備而不作從之一元豐二年十月二十日慈聖光獻皇后崩三年四月二十三日御札取今年季秋擇日有事于明堂六月二十一日太常礼院言皇帝為慈聖光獻皇后服以日易月雖已禫除緣尚在三年之内檢詳熙寧元年四月詔依景德二年南郊故事除郊廟景靈宮合用樂外所有鹵簿鼓吹及樓前宮架諸軍音樂皆備而不作其逐處

警場止鳴金鉦鼓角而已詔依熙寧元年南郊例施行  
禮部太常寺言今詳議將來明堂大禮并前二日遣官  
朝獻景靈宮前一日遣官朝饗太廟行礼所設登歌宮  
架樂舞緣有祖宗已行典禮今欲乞除降神奠玉帛捧  
俎酌獻換舞徹豆送神依典禮作樂外所有皇帝并三  
獻官盥洗登降行步等樂備而不作詔依

中興禮書續編第七卷

吉禮七

明堂大禮三

淳熙十五年八月九日太常寺言九月八日明堂大禮其前二日遣官朝獻景靈宮合差初獻亞獻終獻各一員乞敷奏差官施行詔初獻差右丞相周必大亞獻差知樞密院事黃洽終獻差參知政事兼同知樞密院事留正

同日禮部太寺言今來明堂大禮合差五使乞差官施行詔大禮使差右丞相周必大禮儀使差知樞密院事黃洽禮衛使差參知政事兼同知樞密院事留正禮器使差參知政事蕭燧禮頌使差少傅榮陽郡王伯圭十

二十日太常<sup>寺</sup>言勘會今來明堂大祀前二日遣官朝獻

景靈宮前一日遣官朝饗太廟合差行事官下頂前二日遣官朝獻景靈宮戶部尚書一員薦俎并徹礼部尚書一員薦豆簋簠并徹監察御史一員讀冊官一員舉冊官二員押樂太常卿一員光祿卿一員入實籩豆簋登歌押樂太常丞一員光祿丞一員監饌造奉礼郎一員協律郎二員一員殿上舉麾一員殿下舉麾太社令一員掃除令等太官令一員酌初獻亞獻終獻酒前一日遣官朝饗太廟別廟戶部尚書一員薦牛俎并徹礼部尚書一員省牲省鼎鑊眡濯漑薦豆簋簠并徹兵部尚書一員薦羊俎并徹工部尚書一員薦豕俎并徹監察御史一員冊官一員舉冊官四員押樂太常

常卿一員光祿卿一員入實籩豆簋簠祭歌押樂太常  
丞一員光祿丞一員監饌造七祀獻官一員詣七祀神  
位前行禮功臣獻官四員詣配饗功臣神位前行禮二  
員詣西幄次行礼二員詣東幄次行礼奉禮郎一員協  
律郎二員一員殿上舉麾一員殿下舉麾大祀一員徹  
籩豆等太官令二員一員酌初獻亞獻酒兼監視宰殺  
牲牢一員酌終獻酒詔依

十三日禮部太常寺言勘會九月八日明堂大禮行事  
執事陪祠文武官并宗室並合於八月二十八日受誓  
戒以後並散齋日分遇祖宗忌辰即不合趨赴所有九  
月三日宣仁聖烈皇后忌九月五日顯仁皇后忌係已  
受誓戒散齋致齋之內乞專差跪爐行香官一員其西

班行香官令至日以次官行香詔跪爐官差權工部尚書兼知臨安府韓彥質

十九日御史臺言遣官朝饗太廟奉聖旨差皇太子充初獻行事本臺今貼占太廟齋廳充皇太子宿齋幕次令臨安府同儀鸞司排辦訂設施行詔依

二十三日新除四川制置使京鏜言元係權尚書工部侍郎在任除前件差遣伏覩明堂大禮文武官合於八月二十八日起尚書省受誓戒并九月八日立班陪位竊恐鏜於二十八日以前上殿朝辭未得欲赴明堂大禮立班陪位訖上殿起發前去詔依

二十七日禮部太常寺言檢照國朝典禮陰內遇大禮畢御殿羣臣稱賀緣祖宗朝以日易月之制山陵後



羣臣並純吉服禮畢稱賀於事為宜今來皇帝見服布素羣臣未純吉服所有將來明堂禮畢合準已得聖旨指揮依紹興三十一年典禮並稱賀外所有羣臣拜表乞敷奏取旨施行詔並免

二十八日太常寺言勘會今來明堂大禮前一日遣官朝饗太廟其行事官並前一日赴太廟省饌致齋所有前二日遣官朝獻景靈宮行事官乞依前一日遣官朝饗太廟禮例於景靈宮省饌致齋至午時前赴文德殿奏請致齋訖即赴景靈宮宿齋至日行事內有差充前二日奏告太祖皇帝太宗皇帝室行事祇應人乞俟告奏告行礼畢赴景靈宮行礼及是日五更初開景靈宮宮殿門放令行事官祇應人入赴行事其幕次燭什物

等下臨安府差人於齋殿兩廊及思成門裏外釘設排  
辦施行詔依

九月八日詔門下朕懋承洪緒祇保令圖荷臨顧於元  
穹席燕詒於烈祖勅天之命曾罔忽於幾微善日者王  
夫豈遑於遐逸務求端而從事期遵制以揚功歷祚靈  
長神人悅穆繫二十七日之孚佑不忘乎心在五三六  
經之垂摹莫重於祭爰修盛祀具繹彝章有天下不足  
解憂固思親之彌切惟聖人為能饗帝曷報本之敢稽  
屬當農扈之豐久底邊垂之靖群黎綏輯庶類阜城繇  
美既之宣臻飭明禋之丕舉夙既登於陽陞茲宜敬於  
合宮迺即季秋載涓初吉奉盛以告要肩忠信之心越  
緋而行蓋酌尊卑之義原廟分咨於謂猷宗祊申命於

裸將率迪彌文稽循前憲方齊精於清禁肆歲事於親  
祠高存敬御於九筵陟配通崇於二后焜熊蒸而上達  
華壁正以前陳樂舞之和丕廢於宴娛翫冕之美無虧  
於孝敬紛百靈之從坐我列辟之駿奔齊酌咸周史辭  
迄備默而思道可自鄉於蕃釐歛以錫民庶克承於溥  
愛趣敷大澤式對閔休可大赦天下於戲薦三犧而礼  
神祇已秩熙明之典為百姓而祈祉福庸恢赦宥之仁  
尚賴秉文之賢共武之雋暨中外之庶寮體寬洪之茂  
恩協贊予誠永躋于治

十日太常寺言勅節文閤門奏已降指揮明堂大礼畢  
作歇泊假三日契勘今月九日重陽假十日旬假乞自  
十一日後作歇泊假三日九月八日奉聖旨依本寺契

勘十一日十二日十三日欲從前項已降指揮有司並作休務假詔依

二十五日禮部太常寺言勘會今來明堂大禮畢恭謝景靈宮太乙宮依典故擇日宰執分詣行礼差官分詣天慶觀報恩光孝觀今具合行事件下項 一合用分詣行礼日用十月十二日甲戌吉 一分詣日分乞依禮例皇帝不親事 一分詣天慶觀報恩光孝觀乞差侍從官各一員分詣逐處行礼 一勘會紹興三十一年明堂大禮畢宰執詣景靈宮太乙宮恭謝係分作三日行礼第一日詣景靈宮前殿中殿第二日詣景靈宮後殿第三日詣太乙宮并本命殿行礼其天慶觀報恩光孝觀係就第三日分詣行礼所有今來分詣行礼日

分乞依禮例施行 一勘會今來分詣景靈宮太乙宮  
天慶觀報恩先孝觀其所差分詣官並前一日致齋宰  
執於都堂侍從於本司治事如故惟不判書刑殺文書  
及行刑罰詔依

十月一日禮部太常寺言檢照淳熙六年九年明堂大  
禮畢皇帝恭謝太一宮燒香訖次詣璇璣殿燒香勘會  
今來明堂大禮畢已行申請宰執分詣恭謝太一宮日  
并詣本命殿燒香所有璇璣殿燒香詔令宰執一就燒  
香

中興禮書續編第八卷

吉禮八

明堂大禮四

淳熙十五年御札降奏告天地祝文

伏以幬載無私生靈是祐報本反始必歲精誠為民祈  
禱敢稽親祀屬當三歲祗薦一統辰屆肅霜礼行重屋  
合祛致饗升侑率常已戒先期茲申虔告

宗廟祝文

伏以三歲親祠蓋仲照報九筵大饗用竭深誠廟祐有  
嚴天休方永陟配于帝率循丕彛消誠在秋庶克備物  
先期既飭肅告以聞

別廟安穆皇后安恭皇后祝文

三歲親祠禮嚴昭報季秋大饗號肅先期爰在柔靈具  
宜孚聽

社稷祝文

伏以奉幣承天率嚴三歲因秋備物爰度九筵土穀之  
神邦家所賴茲為元祀宜告先期

天慶觀報恩光孝觀青祠

伏以祇承上帝率三歲以親祠大饗明堂飭季秋而備  
物惟列真之咸會暨裡祀之方修爰罄齋明用先敷告

太一宮祝文

伏以明堂九筵上承天位季秋大饗昭假帝心將親執  
於帛珪用保綏於黎庶欽惟高聽孚此先期

諸陵昭懋聖猷皇后橫宮永祐陵櫜宮永思

陵橫宮表文

伏以九筵親饗三歲彌文層富練日之孚宜達在天之  
聽肅瞻園寢預述忱誠

安穆皇后橫宮安恭皇后橫宮祝文

氣乘西颢祀舉合宮親歆上神昭伸大報既先孚號可  
後告期

五嶽四海四瀆祝文

路處未通

伏以躬承裡祀近既總章載候肅霜乃孚練日雖山川  
之遙阻宜典禮之前知

南嶽東海南鎮南海南瀆祝文

路處未通

伏以季秋消吉重屋親祠凡在山川之靈具陪牲之饗  
先期以告神聽其孚



前二日奏告太祖皇帝太宗皇帝配侑祝文  
伏以禮循三歲祀藏合宮維祖宗功德之隆配天地施  
生之大將廟侑饗祇達先期

前二日遣官朝獻景靈宮聖祖天尊大帝冊  
文

伏以維宋懋德受命上穹肇開厥祥自我道祖妙御詳  
品儲祉我家錫美垂鴻施及後嗣揭虔報本三歲有常  
謁獻蠲明肅在原廟屬茲恭默祇遣薦誠尚蘄為民彌  
輯休祐

分詣元天大聖后青詞

伏以季秋之月備時物惟時布政之堂親祠以禮預展  
誠於原廟肆分命以從臣尚冀監臨迄垂保佑

分詣中殿後殿祖宗帝后祝文

伏以明堂大饗上帝博臨謁原廟於先期飭祠官而分詣往將盛礼庶建誠心尚迓靈休迄成熙事

前一日遣官朝饗太廟別廟祖宗帝后冊文

伏以天啓我宗列聖繼承統緒鴻明誕保黎庶奕奕清廟寶宏茲休奉盛齊謁則莫敢怠三歲大報見帝合宮先日蒞儀丕薦宗祏惕焉思道迺命將誠允期洪庥懋衍萬禩

太廟七祀祝文

伏以礼重合宮儀先清廟飭羣臣而祗薦偕七祀以咸修祈監精衷協成熙事

明堂殿昊天上帝冊文

伏以皇矣上帝輔德罔私瞻顧家邦維御統歷肆茲在  
宥祇典神天羣元輯寧舉袂大報迺歲精饗迺開明堂  
奠獻必親奠礼無缺齊心拜況為民祈禱監視孔照永  
錫保佑

皇地祇冊文

伏以天地情載羣物以生誕作之君寵綏溥率坤珍歲  
祕迄今有年表裏維寧熙緝令緒礼崇昭報誼重合祛  
迺即總章祇舉大饗親執珪幣無敢廢尊子孫黎民期  
保昌泰

太祖皇帝冊文

伏以我祖造邦克肖天德受天眷命篤慶錫光爰茲菲  
躬余接統緒丕務纂述通申欽崇三歲精裡禮莫敢闕

中興禮書續編第九卷

吉禮九

明堂大禮五

朝獻景靈宮儀注 雜錄

淳熙十五年六月十三日禮部太常寺言準都省批下  
權刑部尚書葛郊劄子奏臣聞禮惟其稱而已禮莫大  
於祀祀莫大於郊人君歲三歲之儀以盡報本之義則  
尤不可以不求其稱也夫當郊之際天地祖宗陛下之  
所親饗百神從祀遣官分獻然神有尊卑官有大小不  
可以不求其稱如夾皇北極神州后土大明夜明與夫  
五帝五嶽之類居天地之次為百神之最尊而國家之  
所甚重者攷之舊比乃止遣寺監丞簿分詣無乃不稱

欽臣嘗求其故蓋宰執既有五使而侍從卿監郎官又皆在應奉執事之列故分獻例差寺丞以下初不問其秩之不等而禮之不稱也今秋大饗明堂既在諒陰之內太廟景靈宮只是遣官行事則應奉執事之官自當減省却乞差近上官負詣近上神位分獻於禮為稱今後如遇大禮分獻差官乞討論施行取進止送禮部太常寺看詳申尚書省為明堂大禮天皇北極神州后土大明夜明五帝五嶽乞差近上官分獻事禮寺照得紹興三十一年明堂大禮設從祀神位一十五位差侍從臺諫官七員分充獻官行礼及淳熙六年九月明堂大禮設從祀神位共七百六十七位其東西朵殿五方帝大明夜明天皇大帝神州地祇北極五嶽等神二十五

位差寺監丞以下官五員分獻行礼契勘今來明堂大  
礼所設神位係依淳熙九年外其兩朵殿分獻官五員  
今看詳乞差寺監丞以上官充獻分典礼座幾神之尊  
卑官之大小各准其稱詔依

七月二十五日閣門言奉詔將來明堂大礼行事應奉  
閣門官宣贊舍人以下提點承受等宿齋幕次並依例  
令儀鸞司臨安府釘設排辦什物燈燭等仍各將帶人  
從等宿齋

八月十八日御史臺言勘會今來明堂大礼今條具到  
下項 一淳熙九年明堂大礼前十日受誓戒於尚書  
省其應行事執事陪祠文武官並合趨赴立班緣尚書  
省大門內地步窄狹其人從轎馬往回擁遏喧鬧今乞

宰執使相侍從臺諫兩省官知閤門官并宗室外官正  
任觀察使以上並于合下馬處下馬其人從轎馬即時  
回出大門外所有其餘應行事執事陪祠文武官並於  
尚書省大門外下馬庶得不致擁遏喧鬧如有不依今  
來約束之人從御史臺送所屬重作施行及下皇城司  
差親官從官三十人於尚書省大門內并立班處約攔  
致冗鬧 一淳熙九年明堂禮受誓戒於尚書省欲乞  
令太常寺具受誓戒日分關報尚書省大門至日五更  
一點開門放行事等官及祇應人入出仍令臨安府於  
尚書省大門內排辦執盆點照差人供燒香守 一淳  
熙十二年臣僚奏伏見尚書省習太廟等儀百官執事  
未及歸班未唱禮畢諸廳隨行人從群眾閑然而起盡

行衛散特降指揮自今大禮以及將來一應禮儀百官  
立班於已退未退之間許御史臺密切識認仍每春增  
差皇城司兵士共五十人彈壓遇有隨行人從辟起衛  
安即收執送大理寺根究施行如皇城司兵士容衆亦  
須懲戒庶得禮儀之處百官無衛安之患所有今來明  
堂大禮受誓戒乞從上件體例施行詔依